

ГИЁҲВАНД ВОСИТАЛАРИ НОҚОНУНИЙ МУОМАЛАСИ БИЛАН БОҒЛИҚ ТРАНСМИЛЛИЙ ЖИНОЯТЛАР

<http://dx.doi.org/10.26739/2181-9130-2017-7-7-6>

Ачиллов Иззат Тулкинович
Мустақил тадқиқотчи
Izzatachilov1989@mail.ru

Аннотация: мазкур мақола гиёҳванд воситалари ноқонуний муомаласи билан боғлиқ трансмиллий жиноятлар учун жавобгарлик ва унга қарши курашнинг айрим жиҳатларига бағишланган. Унда мазкур тоифадаги жиноятнинг ижтимоий хавфли жиҳатлари, миллий, минтақавий ва халқаро миқёсида ушбу жиноятнинг ҳолати ва динамикаси, унга қарши курашнинг долзарблиги каби масалалар таҳлил этилган.

Калит сўзлар: жиноят, жавобгарлик, жазо, гиёҳванд воситалар, ноқонуний муомала, қарши кураш

ТРАНСНАЦИОНАЛЬНЫЕ ПРЕСТУПЛЕНИЯ СВЯЗАННЫЕ С НЕЗАКОННЫМ ОБОРОТОМ НАРКОТИКОВ

Аннотация: настоящая статья посвящена ответственности за транснациональные преступления, связанные с незаконным оборотом наркотических средств, а также отдельным аспектам борьбы с ней. В ней проанализированы такие вопросы, как общественно опасные аспекты преступлений данной категории, состояние и динамика подобной преступности на национальном, региональном и международном уровне, актуальность противодействия и борьбы с ней.

Ключевые слова: преступление, ответственность, наказание, наркотические средства, незаконный оборот, противодействие.

TRANSNATIONAL CRIMES RELATED TO DRUG TRAFFICKING

Abstract: This article is devoted to the responsibility for transnational crimes related to illicit trafficking in narcotic drugs, as well as to certain aspects of combating it. It analyzes such issues as socially dangerous aspects of crimes of this category, the state and dynamics of such crime at the national, regional and international levels, the relevance of counteraction and combating it.

Keywords: crime, responsibility, punishment, narcotic drugs, illegal trafficking, counteraction.

Бугунги кунда дунё ҳамжамияти томонидан “Аср вабоси” деб эътироф этилаётган гиёҳванд моддалар ноқонуний муомаласига қарши кураш энг долзарб муаммолардан бирига айланиб улгурди.

Ижтимоий салбий иллатлардан бири бўлган гиёҳвандлик энг долзарб муаммолардан бири бўлиб, нафақат республикамиз, балки бутун дунёда кенг жамоатчиликни жиддий ташвишга солмоқда. Ушбу муаммонинг қай тартибда ўз ечимини топиши бутун инсоният эртасини белгилаб бериши унинг кўлами ҳақида тушунча беради. Шу сабабли гиёҳвандликнинг олдини олиш ва унга қарши самарали курашни ташкил этиш бутун жаҳон ҳамжамиятидан барча куч ва воситаларни бирлаштиришни тақозо қилмоқда.

Республика ҳуқуқни муҳофаза қилувчи органлари ва Соғлиқни сақлаш муассасаларининг маълумотларига кўра, 2000 йилда доимий равишда гиёҳвандлик воситаларини истеъмол қилувчи фуқаролар 14400 нафар бўлган бўлса, 2001 йилнинг бошларида бу кўрсаткич 25 мингга яқинлашган. Юқоридаги маълумотлардан кўриниб турибдики, гиёҳвандлик воситаларига ружу қўйганлар сони 2001 йилда 2000 йилга нисбатан 40 % га ортган. Республикамизда 2002 йилга келиб рўйхатга олинган гиёҳвандларнинг сони 38 мингга яқин кишини ташкил этган¹. Бироқ бу кўрсаткичлар республикамиздаги

¹ Абдуллаев А. Проблемы борьбы с наркобизнесом и наркоманией в Республике Узбекистан. //Гиёҳвандликка қарши кураш: назарий ва амалиёт (ижтимоий–ҳуқуқий жиҳатлар) мавзусидаги халқаро илмий Амалий анжуман материаллари. –Тошкент, 2002. – Б. 54.

гиёҳвандлик воситалари билан боғлиқ ҳақиқий вазиятни тўлиқ акс эттирмайди. Ўзбекистон Республикаси Миллий хавфсизлик хизмати ходимларининг тезкор маълумотларига кўра, ҳақиқий аҳвол расмий рўйхатга олинганлар сонидан кўра 10-15 марта кўпдир¹. Бундан ташқари ўтказилган тадқиқотларнинг натижаларига кўра гиёҳвандлик воситаларини истеъмол қилишга бўлган талаб ҳам тобора ортиб бормоқда. Таҳлиллардан кўринишича кейинги йилларда гиёҳвандликнинг ижтимоий негизи сифат жиҳатдан ўзгарди. Бу иллатнинг энг хавфли жиҳати шундаки, гиёҳвандлик вояга етмаганлар орасида ҳам кўпайиб, “ёшариб” бормоқда. Гиёҳвандлик воситаларига мойиллик ёшларда катта ёшлардагиларга нисбатан 6-8 марта тезроқ шаклланади². Ўзбекистон Республикаси Соғлиқни сақлаш вазирлигининг маълумотларига кўра вояга етмаганлар орасида гиёҳвандлик иллатига чалиниш 2001 йилда 2002 йилга нисбатан 16 % га, 2003 йилда 2004 йилга нисбатан 16,5% га кўпайган.

Гиёҳванд моддалар ноқонуний савдосининг жадаллик билан ривожланиши бевосита ўтган аср охирларига бориб тақалиб, бу даврга келиб жаҳон миқёсида фаолият олиб борувчи йирик ва қудратли наркобизнес гуруҳлари вужудга келди. Мазкур турдаги жиноятчилик билан шуғулланувчи гуруҳлар гиёҳванд моддаларни экиш, етиштириш ва йиғиб

¹ Назаров Ҳ. Наркобизнес минтакавий хавфсизликка таҳдид сифатида // ТДЮИ Ахборотномаси. – 2010. – №1. – Б.25–27.

² Павлова Т.А. Медицинские аспекты наркомании у детей и подростков // Международное сотрудни чество правоохранительных органов в борьбе с организова преступностью и наркобизнесом. Материалы международной научно–практической конференции. Санкт–Петербург, 25 июля 1997 г. Ч. ТУ. –СПб, 1997. – С.33–34.

олишдан тортиб токи уни истеъмолчига етказиб беришга қадар бўлган жараёнларни ўз зиммасига олди.

Халқаро валюта фонди мутахассисларининг ҳисоб-китобларига қараганда, дунё иқтисодиётидаги умумий маблағнинг камида икки фоизи айнан шу жиноий гуруҳлар тасарруфида.

Баъзан гиёҳвандлик воситаларини татиб кўришга таклиф қилинадиган шахснинг хулқ-атвори наркотикларнинг инсон руҳиятига таъсир қилиши ва гиёҳвандликнинг ўзига хос хавфли руҳий касаллик эканлиги ҳақидаги билимнинг мавжудлиги ёки йўқлиги билан белгиланади. Чунки бундай билимлар шахсда гиёҳвандликка қарши фаол муносабатнинг шаклланишига хизмат қилади. Гиёҳвандлик моддаси баъзан жамият (биринчи навбатда – ёш авлод)нинг наркотикларга тобе бўлишидан манфаатдор бўлган шахсларга наркобизнес билан шуғулланувчи жиноий уюшмалар томонидан ушбу воситалар ҳақида турли “афсона”лар тарқатиш йўли билан қасддан ёйилади.

Россия Федерациясининг Наркотикларни назорат қилиш федерал хизмати маълумотларига кўра, халқаро наркомафия йилига ўртача 100 млрд АҚШ доллари қийматидаги афғон героинини реализация қилади ва бундан олган даромадларидан турли жиноий мақсадларда фойдаланади. Мисол учун, Афғонистондан Хорог (Тожикистон) - Ўш (Қирғизистон) трассаси буйича ва Ўшдан Бишкекка ҳамда у ердан Россияга етказилишида дастлаб опий ва кейинги ўринда героин катта даромад манбаи ҳисобланади. Хусусан, 1 кг героиннинг нархи сифатига қараб ўртача ҳисобда Хорогда - 500-550

доллар бўлса, Ўшда - 1500, Бишкекда - 4000, Олма-Отада - 6000 долларгача кўтарилади².

Тожикистон Республикаси Президенти ҳузуридаги Гиёҳванд моддаларни назорат қилиш агентлиги маълумотларига кўра, мамлакат ҳудудида наркотикларнинг савдоси билан шуғулланувчи халқаро уюшган жиноий гуруҳлар янада фаоллашмоқда. Бугунги кунда биргина ушбу мамлакатнинг ўзида бевосита наркобизнес билан шуғулланувчи 31 дан ортиқ наркогуруҳ рўйхатга олинган.

Афғон наркотрафики йўналишларида жойлашган ва бу иллатдан зарар кўраётган давлатларда наркобизнесга қарши курашиш, бу соҳада халқаро ҳамкорликни жадаллаштириш борасида муайян ишлар амалга оширилиб келинмоқда. Ўзбекистон Республикаси ҳам ўз мустақиллигини қўлга киритган дастлабки кунлардан халқаро ҳамжамиятнинг тўла ҳуқуқли аъзоси бўлишга интилиб келмоқда. Республикамизнинг Бирлашган Миллатлар Ташкилоти (БМТ), Европада Хавфсизлик ва Ҳамкорлик Ташкилоти (ЕХҲТ), ЮНЕСКО сингари нуфузли халқаро ташкилотларга сафига кириши мамлакатимиз жаҳон миқёсида эътироф этилишининг қонуний натижаси бўлди³. Шунингдек, Ўзбекистон Республикаси томонидан наркобизнесга қарши курашни ташкил этиш мақсадида, Шанхай Ҳамкорлиги Ташкилоти, Марказий Осиё, Россия,

² Назаров Ҳ. Наркобизнес минтақавий хавфсизликка таҳдид сифатида // ТДЮИ Ахборотномаси. – 2010. – №1. – Б.25–27.

³ Кадиров Ш. Гиёҳвандликка қарши курашга оид халқаро ҳуқуқ нормаларини Ўзбекистон қонунчилигига татбиқ этиш // ТДЮИ Ахборотномаси. – 2009. – №3. – Б. 144–146.

Озарбайжон давлатлари, шунингдек, БМТ ва МДҲ доирасида имзоланган 33 дан ортиқ кўптомонлама ва иккитомонлама шартнома ва битимлар доирасида халқаро ҳамкорлик амалга оширилмоқда. Бундан ташқари, Европа Ҳамжамияти ва БМТнинг Наркотик ва жиноятчилик бўйича бошқармаси лойиҳалари доирасида ҳамкорлик йўлга қўйилган. Бугунги кунда ушбу меъёрий ҳужжатлар асосида наркотик моддалари ноқонуний айланишининг олдини олиш ва уларга чек қўйиш мақсадида, халқаро доирада ўзаро ҳамкорликда ишни ташкил этиш механизмлари ишлаб чиқилди ва амалга оширилиб келинмоқда.

Гиёҳвандлик воситаларининг ноқонуний муомаласи умумжаҳон савдосининг тахминан 8% ни ташкил қилмоқда. Кейинги йилларда гиёҳвандлик воситаларининг ноқонуний савдоси билан шуғулланадиган жиноий гуруҳлар фаолияти муайян давлат ҳудудидан чиқиб трансмиллий наркосиндикатлар юзага келди. Трансмиллий наркосиндикатлар ўз эҳтиёжлари йўлида илмий техника тараққиёти натижаларидан фойдаланиши уларнинг техник-молиявий имконияларини оширмоқда⁴. Уларнинг ўз жиноий фаолиятларида энг замонавий қурол ва воситалардан, электрон таъминот тизимидан, жумладан глобал ахборот тизими-интернетдан фойдаланишлари муаммонинг кўламини янада ортишига сабаб бўлмоқда. Маълумотларга кўра ҳар йили гиёҳванд жиноятчилардан умумжаҳон миқёсида 100 мингга яқин ўқ отар қуроллар олиб қўйилмоқда. Бундан ташқари 500 дан ортиқ яширин

⁴ Противодействие незаконному обороту наркотических средств и психотропных веществ. Учебное пособие. – М.: “Щит–М”. 2001. – С.52.

учиш ва қўнишга мўлжалланган майдонлар аниқланмоқда, шунингдек наркосиндикатлар томонидан фойдланилаётган тахминан шунча учиш аппаратлари парвоз пайтида уриб туширилади ёки мусодара қилинади. Шунга қарамай ҳар куни ғайриқонуний юк ортилган 300 га яқин парвозлар амалга оширилмоқда⁵. Ҳозирги вақтда жаҳонда йилига гиёҳвандлик воситаларларининг ғайриқонуний савдоси орқали олинган 300-800 млрд. АҚШ доллари ҳажмдаги маблағ легализация қилинади⁶.

Бундан ташқари, гиёҳвандликнинг ижтимоий хавфлилиги яна шунда намоён бўладики, гиёҳвандлик воситаларига қарамлик натижасида рўй берган инсон хулқ-атворидаги салбий ўзгаришлар туфайли, у криминоген омил бўлиб хизмат қилади. Гиёҳвандлик ва жинойтчилик ўзаро алоқасининг ижтимоий-салбий хусусияти: гиёҳвандлик воситаларини тарқатиш билан боғлиқ жинойий ҳаракатларнинг содир этилишида; гиёҳвандлар гиёҳвандлик воситаларини ёки уларни харид қилиш учун маблағларни эгаллаш мақсадида жинойтлар содир этишида; гиёҳвандлик воситаларининг бевосита таъсирида (гиёҳвандлик воситалари билан мастлик ёки абстиненция ҳолатида) жинойтлар содир этилишида; гиёҳвандлар кўпинча жинойтлардан жабрланишида намоён бўлади⁷.

⁵ Калачев Б.Ф. Использование достижений НТР в деятельности наркосиндикатов. Материалы научно-практической конференции “Федеральный закон «О наркотических средствах и психотропных веществах» и актуальные проблемы противодействия незаконному обороту наркотиков”. – М., 1998. – С.18.

⁶ Проблема организованной преступности в Канаде // Сигнальная информация ГИЦ МВД России. – 1999. – №5. – С.4.

⁷ Умарова Б. Гиёҳвандлик воситаларини ўтказиш мақсадида содир этилган жинойтларнинг ижтимоий хавфлилиги // ТДЮИ Ахборотномаси. – 2010. – №1. – Б.108–110.

Қўшни Афғонистон опий етиштириш бўйича дунёда биринчи ўринда туриши (бутун дунёда ишлаб чиқилган опийнинг 93%и Афғонистон ҳиссасига тўғри келади) ва ушбу гиёҳвандлик воситаларининг асосан хориж мамлакатларига сотиш учун мўлжалланганлигини ҳисобга оладиган бўлсак Марказий Осиё давлатлари, жумладан Ўзбекистон ҳудуди ҳам гиёҳвандлик воситаларини ўтказишда транзит йўлларида бири ҳисобланади. Бу эса, республикамизга Афғонистон ва Тожикистон орқали гиёҳванд воситалар кириб келиши билан боғлиқ ҳолатларга қарши жиддий курашишни талаб қилади. Гиёҳванд воситалар ноқонуний савдосига жиноий унсурларнинг жалб қилиниши кучайиб бораётганлиги, умумий криминоген аҳволнинг ёмонлашуви, наркоманлар сонининг ортиб бораётганлиги кузатилмоқда.

Ўзбекистонда ҳуқуқни муҳофаза қилиш органлари томонидан 2004 йилда гиёҳвандлик воситаларининг ноқонуний муомаласи билан боғлиқ 8538 та жиноят, 2005 йилда 8367 та жиноят, 2006 йилда 8834 та жиноят, 2007 йилда 9435 та жиноятлар аниқланган. Шу жумладан, 2007 йилда гиёҳванд воситаларни ўтказиш мақсадида содир этилган жиноятлар 5157 тани, контрабанда 284 тани, гиёҳвандлик билан боғлиқ бошқа жиноятлар 3993 тани ташкил этган⁸.

2006 йилда гиёҳвандлик воситалари ноқонуний муомаласи билан боғлиқ жиноятлар учун қўлга олинганларнинг 15,1%ни аёллар, 23,3%ини 14-29

⁸ Информационный бюллетень о наркоситуации. Центрально-азиатский регион. 2008. –С. 66

ёшлилар ташкил қилган. Республика судлари томонидан 2006 йилда гиёҳвандлик воситалари ноқонуний муомаласи билан боғлиқ 4367 та жиноят ишлари кўриб чиқилган ва натижада 5490 киши жиноий жавобгарликка тортилган. Шундан тақиқланган экинларни етиштирганлик учун 621 киши, ўтказганлик учун 2305 киши, контрабанда учун 122 киши, ўтказиш мақсадини кўзламай сақлаганлик учун 2021 киши ташкил қилган⁹.

Гиёҳвандлик воситаларини ўтказиш билан билан боғлиқ жиноятлар сонига контрабанда йўли билан гиёҳвандлик воситаларининг кириб келиши жиддий таъсир кўрсатади. 2005 йилда гиёҳвандлик воситалари ноқонуний савдоси билан боғлиқ жиноятлар учун 139 та хориж фуқаролари қўлга олинган, улардан олинган героин 80,103 кг ни ёки республика бўйича қўлга олинган жами героиннинг 17,2%ини ташкил этган бўлса, 2007 йилда 192 та хориж фуқаролари ушланиб, улардан 601 кг турли гиёҳвандлик воситалари ёки республика бўйича ушланган жами гиёҳвандлик воситаларининг 28,4 % олинган¹⁰.

Хулоса ўрнида айтганда, гиёҳванд моддаларга қарши кураш нафақат бирон-бир давлат ёки унда фаолият юритувчи ҳуқуқни муҳофаза қилувчи органлар вазифаси бўлмасдан, балки бутун жамият учун бирдай масъулиятли вазифа бўлмоғи лозим. Зеро, шундагина кутилган натижа ўзининг самарасини беради.

⁹ Информационный бюллетень о наркоситуации. Центрально-азиатский регион. 2007. –С. 95

¹⁰ Умарова Б. Гиёҳвандлик воситаларини ўтказиш мақсадида содир этилган жиноятларнинг ижтимоий хавфлилиги // ТДЮИ Ахборотномаси. – 2010. – №1. – Б.108–110.

References/Сноски

1. Абдуллаев А. Проблемы борьбы с наркобизнесом и наркоманией в Республике Узбекистан. //Гиёҳвандликка қарши кураш: назарий ва амалиёт (ижтимоий-ҳуқуқий жиҳатлар) мавзусидаги халқаро илмий Амалий анжуман материаллари. -Тошкент, 2002. - Б. 54.

2. Назаров Ҳ. Наркобизнес минтақавий хавфсизликка таҳдид сифатида // ТДЮИ Ахборотномаси. - 2010. - №1. - Б.25-27.

3. Павлова Т.А. Медицинские аспекты наркомании у детей и подростков // Международное сотрудничество правоохранительных органов в борьбе с организова преступностью и наркобизнесом. Материалы международной научно-практической конференции. Санкт-Петербург, 25 июля 1997 г. Ч. ТУ. -СПб, 1997. - С.33-34.

4. Назаров Ҳ. Наркобизнес минтақавий хавфсизликка таҳдид сифатида // ТДЮИ Ахборотномаси. - 2010. - №1. - Б.25-27.

5. Кадиров Ш. Гиёҳвандликка қарши курашга оид халқаро ҳуқуқ нормаларини Ўзбекистон қонунчилигига татбиқ этиш // ТДЮИ Ахборотномаси. - 2009. - №3. - Б. 144-146.

6. Противодействие незаконному обороту наркотических средств и психотропных веществ. Учебное пособие. - М.: "Щит-М". 2001. - С.52.

7. Калачев Б.Ф. Использование достижений НТР в деятельности наркосиндикатов. Материалы научно-практической конференции "Федеральный закон «О наркотических средствах и психотропных веществах» и актуальные проблемы противодействия незаконному обороту наркотиков".-М.,1998. - С.18.

8. Проблема организованной преступности в Канаде // Сигнальная информация ГИЦ МВД России. – 1999. – №5. – С.4.

9. Умарова Б. Гиёҳвандлик воситаларини ўтказиш мақсадида содир этилган жиноятларнинг ижтимоий хавфлилиги // ТДЮИ Ахборотномаси. – 2010. – №1. – Б.108–110.

10. Информационный бюллетень о наркоситуации. Центрально-азиатский регион. 2008. – С. 66

11. Информационный бюллетень о наркоситуации. Центрально-азиатский регион. 2007. – С. 95

12. Умарова Б. Гиёҳвандлик воситаларини ўтказиш мақсадида содир этилган жиноятларнинг ижтимоий хавфлилиги // ТДЮИ Ахборотномаси. – 2010. – №1. – Б.108–110.